

չափ երիտասարդներ Բաղուժ և այլուր գնալ դրամ շահելու:

Որպէս Խաստուր, Նոյնպէս գիւղս ընդարձակ եղած է ժամանակին, կերելին հին շինութեանց հետքեր, նա մանաւանդ ամեն տեղ մարդկային կմախքներ դուրս հանած է առուններու ընթացքը:

1822 ին գիւղէս 300 տուն հայ գերի տարուած են ի Պարսկաստան, յորմէ 25—30 տարի անշէն մնացած է գիւղս, միջին պատերազմին քանի տուն Մշեցի հաստատուած են, ապա այլև այլ տեղերէ գաղթականներ եկած բնակած են:

1880 թուին սովեւոց գործով գիւղս գտնուած էի, ինձ յայտնեցին թէ մէկը մի կմախք գտած է Շեռեանայ ափը, բերած տան որմին հիւսած, խնդրեցի և թախանձեցի Մուքէից, որ գտնէ, ինձ յանձնէ. զլացաւ. ստիպուեցայ գտնուած տեղն իմանալ յղեցի Շեռեանայ աջ ափի վերայ գտնուած խիստ բարձր փուլն պեղել տուի: Ուստի հանել տուի հսկայ կմախքներ որև յետոյ յղեցի Սանասարեան վարժարանը:

Նոյն միջոցին աշխատեցայ կմախքի գլուխն ևս գտնել, չը յաջողեցայ, այժմ կը լսեմ որ մի այլ կմախք ևս ելած է նորա մօտերից¹:

3. Մ Ի Բ Ա Ն Կ Յ Ի Ք:

Այս գիւղը, $\frac{5}{4}$ ժամ թ. Գալէի հարաւն է, նոյնչափ մի ևս Չլիանուայ հիւսիսն

1. Գտնուած կմախքներու երեսի կեղեւն քարացած էր եւ կողերու ոսկորն մըն 1 $\frac{1}{2}$, մեթր երկար էր, խնձորակը կշռեցինք ինք օճայ եկաւ (15 գրամնայ) եւ ողնաշարի ոսկորներէ մոյն ուղեղի անցքից մի մարդու ձեռք կանցնէր: